



17065

kal.komp

I

Mag. St. Dr.

P

Fori Postulatio ad Episcopatum Cracovi-
ensem.

P. ANNO. et VITAE

Polon. 4^e

Æ 1182

Biblioteka Jagiellońska



stdr0005455

90

POSTVLATIO

ad Episcopatum Crac.

Illustrissimi & Reuerendissimi Domini,

D. IACOBI ZADZIK

Episcopi Culmeñ: R. Poloniae Cancellarij,

A

IOANNE FOXIO, Archidiacono Crac.

S. R. M. Secretario,

Varfauiae die xvij. Aprilis, Anno 1635
dicta,



E T

SALVTATIO

Eiusdem Illustrissimi

Nomine **V. CAPITVLI Crac.**

Die 2. Febr. Anno 1636. in Ecclesia Cath.
habita.

CRACOVIAE,

In Officina Typographica Francisci Casary.



170651



POSTVLATIO

ILLVST^{mi} D. IACOBI ZADZIK ad Episcopatum Crac.



Acrum Basilicę Crac. Collegium, ILLVSTRIS-
SIME Antistes, adeò-
que tota Dioecesis, multis calamitati-
bus afflicta, acerbum doloris sen-
sum cumulauit, cùm in vnus lustri
spatio, tribus Præsulibus orbatam se
vidit. Frequentes enim eorum, qui
benè præsumt mutationes, nunquam salutare, sæpè
perniciosa acciderunt. Quid enim aliud est vigilans
Episcopus? (vt præclare dixit magnus ille Theologus)
nisi scopulus quidam eminens, qui omnes errorum
fluctus excipiat, confringat, & à populo Dei arceat, hæ-
reticorum terror, custos patriarum legum, omnis no-
uitatis hostis, sacri Concilij apex, gladius vitiorum
radices excindens, percutientibus adamas, veteris vi-
tæ & doctrinæ exemplum. His tantis ad benè bea-
tèque viuendum præsidij orbantur, qui bonos recto-
res amittunt, quod nos interim, & antea sæpè experti
sumus. Non paruum autem doloris nostri leuamen
sentimus, quod tu Dei, ac Christi eius iudicio, ad hanc
Ecclesiam Pastor designaris, in qua cum bono omine

Præpositi munus gesseris; nunc in eorum Præposito-
rum locum succedes, quibus obedire, & subiacere ius-
sit Apostolus. Quod dum tibi denuncio, duobus ver-
bis rem exoluam. Sponsæ tibi designatæ laudatione,
& tui ad eius regimen inuitatione. Non est mei pro-
positi, neque huius temporis, virtutum tuarum lau-
des recensere: suffecerit dixisse, de hac tua prouectione
minimè posse dubitari; cùm tibi prior vita, per omnes
laborum, & honorũ gradus, benè & laudabiliter acta,
testimonium præbeat; ita vt meritò ad primariæ hu-
ius Ecclesiæ gubernacula voceris, cuius ego laudes
delibabo.

Solenne est, sponsas nouis sponſis tradendas accura-
ta oratione commendari: verùm quò magis sponsa
tua, per se fatis eminet, & quò viciniorem regalibus sce-
ptris atque coronis sedem diuinitus nacta est, eò mi-
nori commendatione opus habet. Si enim externa,
vtpote mundum, ornatumq; eius omnem, si dotale pa-
trimonium, si gazam & fortunas spectes, nulli cedit.
Quod si priores eius sponſos, sanguine nonnullos Re-
gio coruscantes, & purpuris sacri Senatus resplenden-
tes aspicias; haud scio, an ei altera possit comparari.
At cùm omnis gloria filiæ Regis sit ab intus, contuê-
re quæſo interiores eius opes & ornamenta. Eccle-
sia quippe & Dioecesis Crac. longè latèq; patens, salu-
tis humanæ germinandæ ferax, dici potest vinea: in
cuius culturâ cùm multi viri celeberrimi, tum Lam-
bertus

bertus, Prandota, Gedeon, Sbigneus, Tomicius, & quod hisce oculis conspexi, Radziuilus plurimum laborarunt; quam S. Stanislaus, pro iustitia, & Dei honore certans, sanguine suo irrigauit: cuius maceriam S. Florianus, & Hyacinthus Crac. Canonicus, reliquijs suis, velut muro quodam aheneo cinxerunt: ex qua præ grandes & nectareos racemos virtutum, & meritorum B. Cantij, Simonis, Cunegundis, Salomeæ, siue ad vitæ exempla, siue ad superna auxilia, quotidie decerpimus, ita vt de hac vinea illud dici possit: Operuit montes vmbra eius, & arbuſta eius talia, Cedros Dei.

Basilica verò ipsa, in qua ne vno quidem momento, à laudibus Dei fit cessatio, quantam laudem meretur? Habet enim illa octo Collegia inferiorum sacerdotum, de laudibus & amore Dei certantium, ac infinitam Diuinæ bonitatis potentiam, Hymnis, Psalmis, ac Canticis spiritualibus, die nocteque celebrantium.

Quod cum honor Regis, & Rectoris sit in multitudine populi, vbi quæso numerosiores Christi greges? vbi pascantium maior copia sacerdotum? Ornant eam non paucæ Patrum infule: adornant plurima religiosorum Sodalitia: Virginum quidem Deo dicatarum numerum, cum vetera monasteria capere non possint, noua multis in locis excitantur. Ex his omnibus habetis adiutores, siue ad verbi ministerium, siue ad sacrorum administrationem, siue ad orationum quibus ira Dei placatur instantiam. At quantum illi parit de-

cus lucida illa gemma Academia, inquam Iagellonia?
de qua vel vnum illud dixero, quod fessa licet & grauis
annis, tamen in senecta vberi, vtilis Patriæ ciues, ido-
neos Ecclesiæ ministros, necessarios curæ animarum sa-
cerdotes, non Diœcesi solùm, sed & toti Regno affatim
suppeditat. Sed quorsum hæ laudes omnibus ferè co-
gnitæ? Nollem certè in ventum sparsas, qui cuperem
esse fructuosas. Voti mei Illustriss: Præsul me compotè
reddes, si vineæ illæ electæ, indefessam quod certò mi-
hi polliceor, quò magis reflorescat, culturam adhibe-
as; si assiduos illos Ecclesiæ tuæ ministros, qui cibum
vti dicitur ex flamma petunt, micis de Tuâ mensa ca-
dentibus reficias: Si tantæ ouium multitudini pascen-
dæ, Moyſis exemplo consiliarios & adiutores, quos tu
noſti, quod sint senes, plures etiam adſciſcas. Im-
poſſibile enim eſt, tot myriades animarum, ſine mul-
torum oculis, & manibus rectè poſſe gubernari. Si
denique Academiam illam vnam, Noſtram & Tuam
quoque matrem vnicè ames, Amabis autem, ſi eius
ſaluti & renouationi, qui honores ipſius in manu ha-
bes, proſpicias. Iſte ſanè laudum mearum fructus
erit longè vberriſſimus.

Altera officiij mei breuior pars eſt, vt denunciem Te,
ad regimen adeò nobilis ſponſæ, non ſolùm concordia
noſtrum omnium voto, ſed magno etiam applauſu po-
ſtulari. Quàm id congruat, antiquis moribus & tem-
poribus, quibus hoc munus non poſtulabant Epiſco-
pi, ſed

pi, sed ipsi postulabantur: ita ut penè inuiti ad Cathedras traherentur; dicat Sanctus Gregorius, Ambrosius & D. Chrysostomus. Sed quid causæ? cum Episcopatum uti bonum opus desiderari posse sciamus? Nouerant enim probè munus Episcopi, arctis obligationibus, & plurimis difficultatibus vndiq; esse septū, quod expertus idem D. Chrysostomus, memorabili sententia expressit. Difficultates omnes Episcoporum recensere, nihil aliud est, quàm altitudinē maris, velle emetiri.

Paterē tamen quæso me aliquot difficultates sponsæ Tuæ, ut præuisæ minus pungant, vel saltim attingere. Non paruum illi periculum imminet ab illis, qui omnia quæcunq; ignorant, blasphemant, qui circumferuntur omni vento doctrinæ, in astutia hominum, ad circumuentionem erroris. Magnum quoque illi successunt negotium, multi operarij iniquitatis. Siue ad Clerum, siue ad populum oculos conuertas, qui si interdum castigantur, frustra, quod Deus ipse dolet, percutiuntur, disciplinam enim pacis non recipiunt. Erit, ut nosti, illud Angelicum, Tuum quoq; officium, ut colligas de regno Dei omnia scandala, siue quæ sanam doctrinam, siue quæ vitæ Christianæ innocentiam corrumpunt. Sed vellicant aurem meam magnæ cateruæ inopum, & clamores pauperum, qui partim rapinis militum, partim nouis & ad nutum cuiusque potentioris indies excogitatis angarijs & exactionibus ita sunt grauati, adeo afflictī, ut præ angustia Spiritus gemen

gementes, vitam morte, amariorem uiuant. Expectat
omnis populus gemens, à Patre benigno consolatio-
nem, à Pastore vigilanti protectionem, ab aduocato
post Christum vnico, patrocinium. Quare cùm hac
Tua sponsa Illustriss: Præsul, omnia quæ habet charis-
sima fidei Tuæ committit, ac noxias, & anxias suas cu-
ras Tibi aperit: illud vnum restat, vt Tu quoq; ad spi-
ritualis foederis nexum, ac vtriusq; fortunæ commu-
nionem, assensum Tuum, à summa sede approban-
dum, præbeas, ac his oneribus & laboribus animum,
& humeros submittas. Non ego Te vt vides Illustriss:
Antistes, inani & aures tantum mulcente verborum le-
nocinio, sed rebus ipsis pascere volui. Sponsam namq;
tuam his monilibus ornatam, his malis Tua pruden-
tia medendis expositam, ipse comperies.

Numini supplicamus, quò sospes & in columis
suo diuino honori, Ecclesiæ comodo, nostrum omni-
um instructioni, diutissimè viuas, ac ouili Tuo nu-
meroso, aduentum Tuum præstolanti, Te Pastorem
semper ei profuturum, quàm primùm repræsentes.


SALV-

SALVTATIO

ILLVST^{mi} D. IACOBI ZADZIK

Episcopi Cracouiensis.

Pro Venerab. Capitulo in Eccl: Cathedr. Die 2. Febr. 1636.



Eleberrimum aduentum, tuum Illustrissime PRÆSVL, hac vna luce, tertia gratulatione publica decet adornari. Florens Academiae cætus, militum Christi Ducem, sub vexillo S. Floriani exceperit. Primores Ciuitatis, in æde Magnæ Matris, & Virginis, quæ ciuitas Dei est, consalutârunt. Nunquid custodes sponsæ tuæ tacebunt? quam Tibi ad hanc aram gloriosi Patroni nostri S. Stanislai, sine solenni oratione, tradifas non est. Video quidem me hunc sermonem fatigatis auribus promere; eas tamen hæc festiua adeò recreat lætitia, vt nouo Pastori auspicatum suscepti regiminis exordiū, auspicatissimū progressū iteratis vicibus iubeat cōprecari.

Enimuerò, cum omne regimen laude dignum, autoritate & amore constet, ac ad optatum feratur finem; confidimus, quod his geminis autoritatis & amoris, de quibus mihi sermo, subnixus alis, præstitutam bonis Pastoribus salutis ouium metam, continges.

Si enim autoritas, vtique est firma quædam ac diuturna de præstantibus alicuius viri virtutibus hominum existimatio; quis quæso de autoritate eius addubitarit, cui pro laboribus plurimis, pro moribus castis, pro actibus strenuis, huius sublimioris loci præmium debebatur? Laudatur

B

nauti-

nautica lex illa præclara, quæ gubernationi primùm remos comittit; deinde ad proram collocat, sicq; post diuturnam maris verberatione, ac ventorū directionē ad gubernacula constituit. Hac lege seruata Tu Illustriss: Antistites, in minoribus primò laboribus, velut ad remos positus, deinde grauioribus Reipub. & Ecclesiæ negotijs, velut ad proram admotus, atque varijs turbulentium temporum procellis, quâ cautè declinandis, quâ prudenter sedandis, quâ fortiter ferendis, eruditus; magnam Tibi apud omnes virtutis & doctrinæ famam, atq; existimationem, & quæ inde nascitur auctoritatem comparasti; ita vt ad gubernacula huius primariæ Ecclesiæ, ab eo qui te inuitauit, meritò ascendere iubearis: habesq; in manu bonæ administrationis, primum hoc efficax sanæ auctoritatis instrumentum; quo vt incolumis diu vtaris, omnes velle, & optare debemus.

Porro cùm auctoritas & amor maximā inter se cognationem habeant, ac par sit vtriusq; potestas, vt in hoc onere Pastoralis, hac quoq; altera amoris ala subleueris, liceat mihi suggerere, ac obnixè petere, vt huic tuę sponse (quam tibi tradimus) donum nuptiale, vas auri solidum ornatum, omni lapide precioso offeras, hoc est cor tuum perfectæ charitatis Dei radijs illustratum, ac zelo salutis animarum accensum. Nullum enim, D. Gregorio teste, ita Deo acceptum sacrificium offerri potest, sicut zelus animarum, quod vel illa sacra exempla comprobârint. Quis enim est ille Antistites, cui statuit Dominus pactum prosperitatis & pacis, & Principem fecit illum, vt in domo eius perpetua maneret Sacerdotij dignitas? Ille sanè tertius in gloria Phinees. Sed

cur tan-


cur tanta donatus prærogatiua? eò quod zelatus sit pro Deo suo, & expiauit scelus filiorum Israël.

Quid dicam de illo Propheta, qui surrexit quasi ignis, cuius sermo vt facula ardebat, quam ob causam in turbine ignis, in curru equorum igneorum in cælum receptus est? ob eam potissimum, quod ardentem eius zelum terra capere, & digne remunerari non potuit. Sed hæc sunt vetera. Proferam ex thesauro Ecclesiæ, & noua. Cur obsecro illi Angelo Laodiceæ, in oculis suis diuiti & nullius indigo, sed coram Deo pauperi, misero, adeòque nudo, aurum ignitum Spiritus Dei, à se ipso emere suadet? vt profectò exemplo eius, cuilibet Antistiti ostenderet; quod si tepidus in officio suo esset, ac igneo zeli auro careret; quàm in magno salutis discrimine versaretur. Præclara sunt ista zeli Deo grati testimonia. Quare ego, PRÆSVL Amplissime orationem meam ad te conuerto.

Credo in votis tibi esse, vt ad normam, Saluatoris sponsam, hanc Ecclesiã tuam, non habentem maculam neq; rugam illi exhibeas, hoc nonnisi ardentis eius amoris imitatione, consequeris. Fuit enim quondam hæc sponsa tua, Dioecesis inquam vniuersa satis gloriosa, cum ipsi Reges nutricij eius essent, ac quæ Dei sunt, sine vlllo monito- re Deo redderentur. At hoc tempore, quod cùm Prophe- ta deplorandum est; Sacerdotes eius gementes, & ipsa oppressa amaritudine. Non desunt sponsæ tuæ maculæ, multorum enormium, quæ palam etiam impunè perpe- trantur flagitiorum & scelerum. Videbis in ea rugas defor- mes seu abusus, in sacrorum administratione, in verbi
Dei

Dei prædicatione, in neglectu diuinorū officiorum, in post-
habito cultu Templorum & altarium Dei, quæ omnia venu-
statem sponsæ huius valdè deturpant. Multo labore sudan-
dum erit, vt exeat ab ea nimia rubigo eius, quæ olim apud
Prophetam non exiuit, neque per ignem. Si tamen hunc
ignem ardentis zeli, ignem planè cælestem adhibueris; glo-
riam ei pristinam restitueris, maculas absterferis, rugas
omnes expolliueris. Ac vt breuiter concludam. Desideras
Illustriss: PRÆSVL, non solum expurgare, sed quod maius
Præsulis munus est, etiam ædificare domum Dei? En tibi sa-
piens ille architectus, porrigit & hoc alterum boni regimi-
nis instrumentum, duobus illis verbis comendatū: Charitas
ædificat. Deus ipse qui Charitas est, in hac difficili archite-
ctura spirituali, sit tecum, & tecum laboret; vt scias quàm sit
coram eo acceptus zelus animarum omni tempore.

Ille ipse, qui te elegit Sacerdotem sibi fidelem, ædificet
tibi domum fidelem, & fideles suos habitare faciat vnus
moris in domo; vt in hac magna domo, in quâ sunt vasa
quædam in honorem, quædam in contumeliam; illa pluri-
ma, hæc pauciora in dies reperiās; quatenus Diocesim
hanc amplam, autoritate discipline omni labe mundatam,
charitatis feruore, veris virtutum gemmis, vti Sponsam or-
natam, cælesti Sponso in aduentum ipsius consignes.
Hos sublimes Pastoralis curæ fructus, Pastori suo, in mul-
tos annos nobilis hæc corona Sacerdotū apprecatur, quos,
ac vnâ omnem Clerum, vt in sinum paterni amoris
recipias, ac eâ quâ polles autoritate tueāris, BIBLIOTH. UNIV.
enixè postulamus.



ft-
u-
n-
ud
nc
lo-
as
as
us
fa-
ni-
as
ce-
fit

et
us
fa
ri-
m
n,
r-
es.
l-
s,

UNIV

